

tis, leviter dehiscentibus, apice obtusis, singulatim rotundatis, humeris parum prominulis, dorso leviter deplanatis, crebre subtiliter ruguloso-punctulatis, 2 costis tenuissimis parallelis praeditis, densius longiusque pubescentibus, pube adpressa, in apice elytrorum adhuc longiore et leviter erecta. Pedibus longis, minus gracilibus, fortioribus, dense pallido-pubescentibus.

Long. $7\frac{2}{3}$ — $14\frac{1}{2}$, lat. $2\frac{1}{2}$ — $3\frac{3}{5}$ mm.

Turkestan chinens.: prope urbem Keria (alt. 2.025 m.). Nonnulla specimina ab expeditione cl. Br. Grombcezewskii 5. III. 1890 collecta.

73. **Phytoecia (Coptosia) Eylandti**, sp. n.

Oblonga, nigra, vix aenescens, subtus cinereo-tomentosa, tomento tantum ad latera fulvescenti, supra fulvo-griseo-tomentosa, thoracis vitta sat angusta mediana vittaque utrinque laterali antice paulo abbreviata, scutello, elytrorum sutura vittisque 2 sat angustis dorso-lateralibus (1 sub-humerali, altera supra-humerali) minus determinatis et quasi confluentibus albido-cinereo-tomentosis. Antennis elytrorum apicem non attingentibus, tenuibus, articulo 3° primo subaequali, apice haud incrassato, 4° tertio sensim sed paulo brevior. Capite subtilissime crebre et indistincte ruguloso, disperse tenuiter punctato, medio tenuissime sulcato. Thorace brevi, lateribus ultra medium sat fortiter dilatato, capite sensim latiore, dein basin versus breviter sinuato-angustato, disco sub tomento haud crebre punctato, spatio medio laevigato⁷⁵⁾, utrinque prope medium tuberculo nitido vix prominulo instructo. Elytris capite thoraceque simul sumptis $2\frac{1}{4}$ longioribus, hoc modice latioribus, dorso obsolete bicostatis, sub tomento grosse sed parum profunde remote punctatis, carinula epipleurali a basi usque ad apicem omnino integra tenui et acuta, epipleuris angustis; singulo elytro apice

⁷⁵⁾ Partes omnes laevigatae subtilissime indistincte rugulosae sunt.

gradatim angustato simpliciterque rotundato. Pedibus haud validis, tibiis sat tenuibus. Corpore alato. — *Ph. Allardi* Fairm. aliisque speciebus africanis affinis, sed antennis tenuioribus, articulo 3° longiore ab illis differre et ad subgenus *Conizonia* Fairm. transitum instituere videtur.

Long. 9 mm.

Prov. Transcaspica (absque indicatione loci determinata). Singulum specimen ♂ (?) in coll. cl. A. Komarowi, a Dom. K. Eylandt, Aschabadensi, in cuius honorem hanc speciem nominavi, detectum.

74. **Leptosonyx nocturnus**, sp. n.

Brevis, brunneus vel rufo-brunneus, vertice obscuriore, parce flavido-setosus. *L. hirto* Weise (Deutsch. Ent. Zeitschr. 1885, p. 315) similis et proxime affinis, a quo capite thoraceque sensim latioribus, illo tuberis frontalibus minus prominulis, hoc sensim brevior, magis transverso, apice multo latiore quam basi, lateribus haud rotundato, angulis posticis fere nullis, disco paulo fortius sed magis disperse irregulariter punctato; elytris multo brevioribus, ad humeros thoracis basi non latioribus vel etiam (in ♂) hac angustioribus, subtilius et adhuc crebrius punctatis, margine apicali introrsum magis obliquato, in ♀ praeterea rotundato, humeris minus indicatis nec prominulis; metasterno brevior, inter coxas medias et posticas valde approximatas fortiter transversim elevato; tarsis 4 anterioribus in utroque sexu non dilatatis, subtus mediis subglabris, anterioribus vix spinulosis jam primo aspectu facile distinguendus.

Long. $5\frac{1}{2}$ — $6\frac{3}{4}$ mm.

Prov. Transcaspica: deserta subulosa circa Repetek! Insectum nocturnum. Nonnulla specimina ♂♀ V. et VI. 1889 collegi.

75. **Lithophilus Krasnowi**, sp. n.

Maximus, oblongo-ovalis, perparum convevus, dense ac